

Asaqiita Magaalal 3^{hayto} adda yekke koboxuk edde yewqen maybalaalaqa, Desember alsak 26^{hayto}, sanatak 2010

Nanu too kobox yengele marak axcihiy, Qafar dacarsittoh xiina maray Qafar Rakaakay kee Daqaarah Xintoh afak yemeetehiyyaay, 30 takke sayyoy sissin Daqortik temeetehiyyaay, 3 takke xisney Yabuutil geytintahiyyak yemeete maraay, Germanaay, Ingliiziiy, Ostraaliyaa kee Sweeden rasuk temeete Qafar kee ta rasittek ahamih catch yemeete qibinaay, tonnah kaadu, internet angaaraw (PAL talk) kabuk walal aba maray mango baaxok yaabak sugeey, Qafar rakaakayal tan meqem-abto eglalaali yemeete mara kee awalaytite kee ayyuntak yemeete mara kee Qafar Dacarsittoh Dadalih Eglah adoytiitik nakkeemiik Desember alsak 26^{hayto} ayro 30^{hayto} ayro fan yan wakti dacarsittoh xinta Qafar ummattah a farmo sissik ibat rubna:

Sanatak 2004^{hayto} yekke koboxih lakal dadalak tu xiq leh gide takkay immay uxih dacarsitto marih mano uma ikkeh beytam faxxa qaadoodi kibuk tan.

Tonna immay Qafar rakaakayih doolatak innaamahaa:

- Rakaakay xintoh faxxiima bica kee xisne dudda luk akah bicta innah Qafar af awaqadiik taamal asaama
- Qafarak dacarsittoh xiina mari lac elle yayloole baaxo kee leelwa raceena dacrisaana gidih ken manot bicta baaxo madqa keenih yayyaaqeeniih sissik ibat abinal asisaanama
- Qafar qaada kee diiniy, tonnah kaadu rasi caddol tan xintok ugut abak, buxa mara waqitta madqa yayyaaqeenimi
- Eneyya ta projektithey dacarsitto marih addal taamal asisaanam faxaanah iyya le marih fayxik uguttam faxxintaah, ken manot axawah tanim faxxinta
- Sokkar qaala buqret Qafarak dudda le gaba taamitta gidih Qafar ummattah aydakaakan yacoonuh kaxxa macal abaanam faxxinta. Daggowwatek Qafar ummattak boolul lactam (60%) ta buqret taamitam le.
- Qafar ayyuntih addal kaat limo akah gee waa innah abaanama
- Qunxaaneytah ken qaada kee afat axawah tan qaadoodi elle bartaanaah, elle digran arooca keenih haanama inna.

Tonna kaadu Federaal doolat kee rakaakay doolataay, baadal enna inta xisneenay umaane waassahiyyak kaadu innam lino:

- Baad caddol solte cokmih buxak innamaa, Eritriyal tan ummattal umam bahta doolatak abina wagittam esserra
- Eritriyak dabbo marih mano elle sugte innak away meqe gurral kortem keeh wagtaanama

Iro baaxol tan Qafar ummattah abna seeco tan

Qafar ummattay sin innah rasul tanih iyyah manoh nagay aniina kee dadalah abna macalat gaba ne lih essegellaay oson edde yanin uma caalatak yassassaaqoonuh abna macal ne' lih maqar bahsiisa.